

有如是不測之事乎人之死生雖云天命天何早奪予之賢助悲泣不已
傳于政院曰予今早失賢助神迷心亂罔知攸措不能決事凡千喪
事外姑停雜奏內而官中莫不悲慟終始大略不過於此云○夜良方
巽方有氣如火○乙丑左議政鄭光弼右議政金應箕右贊成張順
孫兵曹判書申用漑禮曹判書金詮等合辭啓曰大行王妃昇遐已
過七日請進肉膳大妃殿春秋已高累日素膳恐致愆宜承政院亦以
此啓請傳曰徐當答之俄而傳曰啓之上殿則教曰時不過三七哀
痛之情尚未殄何以敢進乎○憲府啓曰醫員河宗海請令義禁府囚
禁推考護產醫誤用藥餌故請推傳曰大臣云用不當之藥故使之推耳然河宗海
等進藥非自專也醫女傳言其証則醫員議藥而進皆取稟耳不必令
禁府推也○鄭光弼金應箕申用漑張順孫金詮高荊山安潤德李
自健李繼孟柳聃年崔漢洪柳湄李長生金克幅金克成李世應等議
莽哈非徒無禮於闕庭其言辭亦甚悖慢此非無知野人之比其心兇暴
謫詆國家以有微功授以高爵每於來朝別饋厚賜待之異於他虜宜感
恩誠心圖報反生驕傲遂至於此若無異心不應如是在京詰責其無
禮赦而遣之則國家處之得宜而彼亦不至含怨今既拿致囚繫雖賜